

F 133
1941



საქართველოს საბჭოთა სოციალისტური რესპუბლიკის

მთავრობის

დადგენილებათა და განკარგულებათა კრებული

1941 წ. 16 ივნისი

№ 19

თბილისი

შ ი ნ ა ა რ ს ი

სახალხო კომისართა საბჭოს დადგენილებანი

109. ამხ. ვ. დ. საყვარელიძის საქ. სსრ სახელმწიფო კონტროლის სახალხო კომისარიატის მთავარ კონტროლიორად დამტკიცების შესახებ საქ. სსრ ადგილობრივი მრეწველობის სახალხო კომისარიატისა და საქ. სსრ საზღვროსაბჭოსთან არსებულ სამშენებლო მასალათა მრეწველობის მთავარ სამმართველოს ხაზით.
110. ამხ. ლ. რ. ჩიხლაძის საქ. სსრ სახელმწიფო კონტროლის სახალხო კომისარიატის მთავარ კონტროლიორად დამტკიცების შესახებ საქ. სსრ შინაგან საქმეთა სახალხო კომისარიატის საქ. სსრ იუსტიციის სახალხო კომისარიატისა და პროკურატურის ხაზით.
111. საქართველოს სსრ იუსტიციის სახალხო კომისარის მოადგილედ ამხ. ი. ნადარაიას დანიშვნის შესახებ.
112. საქართველოს სსრ სახელმწიფო კონტროლის სახალხო კომისარიატის კოლეგიის შემადგენლობის დამტკიცების შესახებ.
113. საქართველოს სსრ სოცუზრუნველყოფის სახალხო კომისარიატის კოლეგიის შემადგენლობაში ამხ. ვ. ტ. ცაგურისა და შეყვანის შესახებ.
114. საქართველოს სსრ წყალთა მეურნეობის სახალხო კომისარის მოადგილის თანამდებობიდან ამხ. მ. ნ. ანანიევის განთავისუფლების შესახებ.
115. საქართველოს სსრ სახელმწიფო უშიშროების სახალხო კომისარის მოადგილის მოვალეობისაგან ამხ. კ. ა. ბერიშვილის განთავისუფლების შესახებ.
116. თუთის ხის ნარგავების მოჭრის აკრძალვის შესახებ.
117. საჩხერის სატყეო-სამრეწველო მეურნეობის ლიკვიდაციის შესახებ.
118. 1941 წელში სასოფლო-სამეურნეო გადასახადის გატარების შესახებ.
119. საქართველოს სსრ წყალთა მეურნეობის სახალხო კომისარის მოადგილედ და წყალთა მეურნეობის სახალხო კომისარიატის მთავარ ინჟინრად ამხ. ა. ა. გაბუნიას დანიშვნის შესახებ.
120. საქართველოს სსრ ქალაქებში, ქალაქის ტიპის დასახლებულ ადგილებსა და რაიონულ ცენტრებში საქ. სსრ კომუნალური მეურნეობის სახალხო კომისარიატის სისტემის წყალსადენებით, კანალიზაციითა და აბანოებით სარგებლობისათვის აწალი ტარიფების შემოღების შესახებ.

სახალხო კომისართა საბჭოს დადგენილებანი

109. ამხ. ვ. საყვარელიძის საქ. სსრ სახელმწიფო კონტროლის სახალხო კომისარიატის მთავარ კონტროლიორად დამტკიცების შესახებ საქ. სსრ ადგილობრივი მრეწველობის სახალხო კომისარიატისა და საქ. სსრ სახ. კომსახელოსთან არსებულ სამშენებლო მასალათა მრეწველობის მთავარ სამმართველოს ხაზით.

საქართველოს სსრ სახალხო კომისართა საბჭო ადგენს:

დამტკიცდეს ამხ. ვასილ დიმიტრის-ძე საყვარელიძე საქართველოს სსრ სახელმწიფო კონტროლის სახალხო კომისარიატის მთავარ კონტროლიორად საქართველოს სსრ ადგილობრივი მრეწველობის სახალხო კომისარიატისა და საქართველოს სსრ სახალხო კომისართა საბჭოსთან არსებულ სამშენებლო მასალათა მრეწველობის მთავარ სამმართველოს ხაზით.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 5 მაისი. № 795.

თბილისი.

110. ამხ. ლ. რ. ჩინლაძის საქ. სსრ სახელმწიფო კონტროლის სახალხო კომისარიატის მთავარ კონტროლიორად დამტკიცების შესახებ საქ. სსრ შინაგან საქმეთა სახალხო კომისარიატის, საქ. სსრ იუსტიციის სახალხო კომისარიატისა და პროკურატურის ხაზით.

საქართველოს სსრ სახალხო კომისართა საბჭო ადგენს:

დამტკიცდეს ამხ. ლაოდიკ რომანოზის-ძე ჩინლაძე საქართველოს სსრ სახელმწიფო კონტროლის სახალხო კომისარიატის მთავარ კონტროლიორად საქართველოს სსრ შინაგან საქმეთა სახალხო კომისარიატისა, საქართველოს სსრ იუსტიციის სახალხო კომისარიატისა და პროკურატურის ხაზით.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 5 მაისი. № 796.

თბილისი.

111. საქართველოს სსრ იუსტიციის სახალხო კომისრის მოადგილედ ამხ. ი. ნ. ნადარაიას დანიშვნის შესახებ.

საქართველოს სსრ სახალხო კომისართა საბჭო ადგენს:
დანიშნოს ამხ. იასონ ნიკოლოზის-ძე ნადარაია საქართველოს სსრ იუსტიციის სახალხო კომისრის მოადგილედ.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 8 მაისი. № 836.

თბილისი.

112. საქართველოს სსრ სახელმწიფო კონტროლის სახალხო კომისარიატის კოლეგიის შემადგენლობის დამტკიცების შესახებ.

საქართველოს სსრ სახალხო კომისართა საბჭო ადგენს:
დამტკიცდეს საქართველოს სსრ სახელმწიფო კონტროლის სახალხო კომისარიატის კოლეგია შემდეგი შემადგენლობით: სახალხო კომისარი ამხ. ნ. ი. ჯაში (თავმჯდომარე), ამხ. რ. ა. კვიციანი, კ. ი. მურჯიანი, ლ. რ. ჩინლაძე და ვ. დ. საყვარელიძე.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 8 მაისი. № 837.

თბილისი.

113. საქართველოს სსრ სოცუზრუნველყოფის სახალხო კომისარიატის კოლეგიის შემადგენლობაში ამხ. ვ. ტ. ცაგურიას შეყვანის შესახებ.

საქართველოს სსრ სახალხო კომისართა საბჭო ადგენს:
შეყვანილ იქნას საქართველოს სსრ სოციალური უზრუნველყოფის სახალხო კომისარიატის კოლეგიაში საქ. სსრ სოცუზრუნველყოფის სახალხო კომისრის მოადგილედ ამხ. ვ. ტ. ცაგურია.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 9 მაისი. № 844.

თბილისი.

114. საქართველოს სსრ წყალთა მეურნეობის სახალხო კომისრის მოადგილის მოვალეობისაგან ამხ. მ. ნ. ანანიევის განთავისუფლების შესახებ.

საქართველოს სსრ სახალხო კომისართა საბჭო ადგენს:

განთავისუფლებულ იქნას ამხ. მ. ნ. ანანიევი საქართველოს სსრ წყალთა მეურნეობის სახალხო კომისრის მოადგილის და მთავარი ინჟინერის მოვალეობისაგან სხვა სამუშაოზე გადასვლის გამო.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 12 მაისი № 867.

თბილისი.

115. საქართველოს სსრ სახელმწიფო უშიშროების სახალხო კომისრის მოადგილის მოვალეობისაგან ამხ. კ. ა. ბერიშვილის განთავისუფლების შესახებ.

საქართველოს სსრ სახალხო კომისართა საბჭო ადგენს:

განთავისუფლდეს ამხ. კონსტანტინე ალექსის-ძე ბერიშვილი საქართველოს სსრ სახელმწიფო უშიშროების სახალხო კომისრის მოადგილის მოვალეობისაგან სხვა სამუშაოზე გადასვლის გამო.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. 13 მაისი № 872.

თბილისი.

116. თუთის ხის ნარგავების მოჭრის აკრძალვის შესახებ.

სსრ კავშირის სახალხო კომისართა საბჭოს და საქ. კ. პ. (ბ) ცენტრალური კომიტეტის მიერ 1941 წლის 13 მარტს „მეაბრეშუმეობის შემდგომი განვითარების ღონისძიებათა შესახებ“ მიღებული დადგენილების (სსრკ დადგ. კრ. 1941 წ. № 9, მუხ. 149) მე-13 პუნქტის შესაბამისად, და იმ მიზნით, რომ შესწყდეს მოჭრა და ამოძირკვა თუთის ხის ნარგავებისა, რომლებსაც განსაკუთრებით დიდი მნიშვნელობა აქვთ მეაბრეშუმეობის განვითარებისათვის, საქართველოს სსრ სახალხო კომისართა საბჭო ადგენს:

1. აიკრძალოს საქართველოს სსრ მთელ ტერიტორიაზე თუთის ხის ნარგავების მოჭრა და ამოძირკვა კოლმეურნეობებში, საბჭოთა მეურნეობებში და სახელმწიფო და კოოპერატიული ორგანიზაციათა ყველა სხვა მეურნეობაში, აგრეთვე კოლმეურნეთა საკარმიდამო ნაკვეთებსა და ერთპიროვნულ მეურნეთა მიწებზე ყოველ ცალკე შემთხვევაში საქართველოს სსრ სახალხო კომისიართა საბჭოს ნებართვის გარეშე.

2. დაწესდეს, რომ:

ა) საქართველოს სსრ ტერიტორიაზე თუთის ხის ნარგავების მოჭრისა და ამოძირკვის ნებართვას საქართველოს სსრ სახალხო კომისართა საბჭო ვასცემს მხოლოდ თუთის ხეების დაავადების, გახმობის ტყეების მთლიანი ამოძირკვის დროს თუთის ხეების დაზიანების და სხვა განსაკუთრებულ შემთხვევებში, რომლებიც სახელმწიფოებრივი აუცილებლობით იქნება გამოწვეული.

ბ) საქართველოს სსრ სახალხო კომისართა საბჭოს ნებართვით მოჭრილი და ამოძირკული თითოეული ხის ნაცვლად იმავე წელს უნდა დაირგას სულ მცირე ათი ახალგაზრდა მაღალშტამბიანი თუთის ხე.

3. თუთის ხეების გადაბეღვა და ტოტების გასხევა მხოლოდ აბრეშუმის ქიის გამოკვების პერიოდში დაიშვება.

შენიშვნა. გადაბრეზული ხეების გაახალგაზრდავება დაიშვება აგრეთვე აღრიან გაზაფხულზე და გვიან შემოდგომაზე რაიონული მეთუთე აგრონომის ნებართვით.

4. თუთის ხის ნარგავების მფლობელებს ეკისრებათ როგორც ნარგავების სათანადო მოვლა (ნიადაგის შემობარვა შემოდგომაზე და აღრიან გაზაფხულზე), ისე თუთის ხეების სწორად გადაბეღვა და მათი ტოტების გასხევა.

5. დაწესდეს, რომ ის პირები, რომლებიც სათანადო ნებართვის უქონლად მოსჭრიან და ამოძირკვავენ თუთის ხეებს, აგრეთვე თუთის ხის წანახედსა და გახმობაში (სარწყავ რაიონებში) დამნაშავე პირები მიცემული იქნებიან სისხლის სამართლის წესით პასუხისგებაში საქართველოს სსრ სისხლის სამართლის კოდექსის 78 და 136² მუხლების თანახმად.

6. ამ დადგენილების მე-4 პუნქტის დარღვევისათვის დამნაშავენი დაჯარიმებული იქნებიან 1 მანეთიდან 5 მანეთამდე თვითუფლი ხისათვის. ჯარიმას აღმინისტრირებული წესით დაადებენ მშრომელთა დეპუტატების საქალაქო და სასოფლო საბჭოების აღმასრულებელი კომიტეტები კუთვნილებისამებრ.

7. ძალადაკარგულად ჩაითვალოს:

ა) საქართველოს სსრ ცაკ-ის და სახკომსაბჭოს 1931 წ. 27 მაისის დადგენილება „თუთის ნარგავთა განადგურების წინააღმდეგ ბრძოლასა და ამ ნარგავთა მოვლა-გამოყენების ღონისძიებათა შესახებ“ (საქ. სსრ კან. კრ. 1931 წ. № 12, მუხ. 135);

ბ) საქართველოს სსრ სახკომსაბჭოს 1933 წ. 1 ივნისის დადგენილებას
 „ბათუმის ბუნებრივ საღებავთა ქარხნის სანედლეულო ბაზისით უზრუნ-
 ვლყოფის შესახებ“ (საქ. სსრ კან. კრ. 1933 წ. № 16, მუხ. 211).

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველის მ. ა. რ. ჭელიძე.

1941 წ. 22 მაისი, № 942.

თბილისი.

117. საჩხერის სატყეო-სამრეწველო მეურნეობის ლიკვიდაციის შესახებ.

საქართველოს სსრ სახალხო კომისართა საბჭო ადგენს:

ა) ლიკვიდირებულ იქნას 1941 წლის 1 ივნისიდან საჩხერის სატყეო სამ-
 რეწველო მეურნეობა და გადაეცეს ჯალაბეთის სატყეო-სამრეწველო მეურნე-
 ობას სამხრეთ-ოსეთის ავტონომიური ოლქის ტერიტორიაზე არსებული ხე-ტყის
 დამამზადებელი უბნები რომლებიც ჯალაბეთის სატყეო კომბინატს აკრავენ.

ბ) გამოყოფილ იქნას ჯალაბეთის სატყეო კომბინატიდან დამოუკიდებელ
 ბალანსზე ჯალაბეთის ხე-ტყის სახერხი ქარხანა და ჯალაბეთის სატყეო სამრე-
 წველო მეურნეობა.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველის მ. ა. რ. ჭელიძე.

1941 წ. 22 მაისი № 952.

თბილისი.

118. 1941 წელში სასოფლო-სამეურნეო გადასახადის გატარების შესახებ.

საქართველოს სსრ სახალხო კომისართა საბჭო ადგენს:

1. დაევალოს საქართველოს სსრ ფინანსთა სახალხო კომისარიატს, აფხა-
 ზეთის და აჭარის ასსრ სახალხო კომისართა საბჭოებს, სამხრეთ-ოსეთის ავ-
 ტონომიური ოლქის მშრომელთა დეპუტატების საბჭოს აღმასრულებელ კომი-
 ტეტს და მშრომელთა დეპუტატების რაიონული და საქალაქო საბჭოების აღმას-
 რულებელ კომიტეტებს:

ა) 1941 წ. ივლისში შეუდგენ ახსნა-განმარტებითი მუშაობის ჩატარებას,
 რათა სოფლის მოსახლეობას გააცნონ სასოფლო-სამეურნეო გადასახადის კანო-
 ნი, მასში სსრ კავშირის უმაღლესი საბჭოს VIII სესიის მიერ 1941 წ. 1 მარტს

შეტანილი ცვლილებებით, აგრეთვე შემოსავლის დასაბეგრი წყაროების აღრიცხვის წესი;

ბ) 1941 წ. 15 ივლისამდე ჩაატარონ მშრომელთა დეპუტატების სასოფლო-სამეურნეო აღმასრულებელ კომიტეტის თავმჯდომარეთა, საგადასახადო აგენტებისა და საფინანსო აქტივის საინსტრუქციო თათბირები, რომლებზედაც გულდასმით გააცნონ მათ კანონი და სსრ კავშირის ფინანსთა სახალხო კომისარიატის 1941 წლის 4 მაისის № 379/54 ინსტრუქცია 1941 წელში სასოფლო-სამეურნეო გადასახადის გატარების შესახებ;

გ) შეამოწმონ ყველა სასოფლო-სამეურნეო საკომლო წიგნების შევსების სისრულე და სისწორე და 1 ივლისისათვის უზრუნველყონ ყველა გამოვლინებულ ნაკლოვანებათა აღმოფხვრა;

დ) 15 ივლისამდე გულმოდგინედ შეამოწმონ სასოფლო-სამეურნეო მიერ შედგენილი სიები მოხუცი კოლმეურნეებისა და ერთპიროვნული მეურნეებისა, რომლებიც კანონის მე-23 მუხლის თანახმად, განთავისუფლებულ უნდა იქნან გადასახადისაგან, და დაამტკიცონ ეს სიები მშრომელთა დეპუტატების რაიონული საბჭოების აღმასრულებელ კომიტეტების სხდომებზე;

ე) უზრუნველყონ ყველა დაწესებულებისა, ორგანიზაციისა და საწარმოსაგან დამხმარე მასალების მიღება მეურნეობათა არასამიწათმოქმედო და საბაზრო შემოსავლის შესახებ ისე, რომ ეს მასალები შეიცავდნენ პერიოდს 1940 წლის 1 ივნისიდან 1941 წლის 30 ივნისამდე;

ვ) 1941 წ. 1 ივლისიდან ყველგან შეუდგენ და არაუგვიანეს 1 აგვისტოსა დაამთავრონ გადასახადის გადამხდელთა და მათი შემოსავლის წყაროების აღრიცხვა. აღრიცხვის ჩატარებასთან ერთად მოაწყონ სააღრიცხვო მასალების შემოწმება და დაამთავრონ იგი 1941 წ. 5 აგვისტომდე;

ზ) 1941 წ. 10 აგვისტომდე დაამთავრონ გადასახადის გამოანგარიშება და საგადასახადო უწყებების ჩაბარება;

თ) არაუგვიანეს 1941 წ. 1 სექტემბრისა საქართველოს სსრ სახალხო კომისართა საბჭოს წარმოუდგინონ სიები და დასაბუთებელი მასალები სტიქიური უბედურებისაგან დაზარალებულ მეურნეობებისა, რომლებსაც კანონის მე-26 მუხლის საფუძველზე შეღავათები უნდა მიენიჭოს, აგრეთვე 1941 წ. 15 ივლისისათვის წარმოუდგინონ სიები რაიონის ხელმძღვანელ მუშაკებისა, არაუმეტეს 30 კაცის რაოდენობით, რომლებიც განთავისუფლებულ უნდა იქნან გადასახადისაგან კანონის მე-27 მუხლის თანახმად;

ი) აღრიცხვის სწორად ჩატარების, აგრეთვე გადასახადის გამოანგარიშების უზრუნველყოფის მიზნით, ყოველდღეკადურად მოისმინონ რაიონის ხელმძღვანელების გამგეთა მოხსენებანი 1941 წ. 1 ივლისამდე — მოსამზადებელი მუშაობის მიმდინარეობის შესახებ, ხოლო 1 ივლისიდან — გადასახადის გადამხდელთა და მათი შემოსავლის წყაროების აღრიცხვის, გადასახადის გამოანგარიშების, საგადასახდლო უწყებების ჩაბარებისა და სახსრების აკრფის მიმდინარეობის შესახებ.



2. დავეალოს საქართველოს სსრ ფინანსთა სახალხო კომისარიატს:

ა) 1941 წ. 1 ივნისამდე დაუგზავნოს რაიონებს საქირო მასალები სასოფლო-სამეურნეო გადასახადის გადამხდელთა აღრიცხვის ჩასატარებლად;

ბ) 25-დან 30 მაისამდე ჩაატარონ უფროს საგადასახადო ინსპექტოროთა ინსტრუქტაჟი 1941 წელში სასოფლო სამეურნეო გადასახადის გატარების საკითხზე;

გ) რაიონების დასახმარებლად მიავლინონ ცენტრალური აპარატის 12 მუშაკი;

3. დაწესდეს საქართველოს სსრ სასოფლო-სამეურნეო გადასახადის გადახდის პირველ ვადად 1941 წლის 1 სექტემბერი.

4. დაწესდეს 1941 წლისათვის შემოსავლიანობის ნორმები სასოფლო-სამეურნეო კულტურებისა და დარგების მიხედვით თანახმად დანართისა № 1.

5. დაწესდეს შეზღვევი მსხმოიარე ასაკი მრავალწლოვანი ნარგავებისათვის:

ციტრუსოვანთა	7	წელზე მეტი	
ვენახებისა	4	"	"
კურკოვანი ხილისა	5	"	" (გარდა ატმის ნარგავებისა)
ატმისა	4	"	"
თესლოვანი ხილისა	10	"	"
დაფნისა	4	"	"
ჩაის პლანტაციების	5	"	"

6. ეთხოვოს სსრ კავშირის სახალხო კომისართა საბჭოს ნება დართოს, რათა 1941 წელს სასოფლო-სამეურნეო გადასახადით დაბეგვრისაგან განთავისუფლებულ იქნას ზემო-სვანეთის რაიონში, აგრეთვე დუშეთის რაიონის არხოტის, ბარისახოს, ბაცალიგოს და შატილის სასოფლო საბჭოებში, ყაზბეგის რაიონის სოფელ ართხმოსა და ჯუთაში მცხოვრები მთელი მოსახლეობა.

7. დავეალოს საქართველოს სსრ ფინანსთა სახალხო კომისარიატს სისტემატურად მოაწოდოს საქართველოს სსრ სახალხო კომისართა საბჭოს ინფორმაცია 1941 წლის სასოფლო სამეურნეო გადასახადის გატარების მიმდინარეობის შესახებ.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველის მ. ა. რ. ჭელიძე.

119. საქართველოს სსრ წყალთა მეურნეობის სახალხო კომისიის მოადგილედ და წყალთა მეურნეობის სახალხო კომისარიატის მთავარ ინჟინრად ამხ. ა. ა. გაბუნიას დანიშვნის შესახებ.

საქართველოს სსრ სახალხო კომისართა საბჭო აღდგენს:

დანიშნოს ამხ. ა. ა. გაბუნია საქართველოს სსრ წყალთა მეურნეობის სახალხო კომისიის მოადგილედ და წყალთა მეურნეობის სახალხო კომისარიატის მთავარ ინჟინრად.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველის მ. ა. რ. ჭელიძე.

1941 წ. 27 მაისი № 980.
თბილისი.

120. საქართველოს სსრ ქალაქებში, ქალაქის ტიპის დასახლებულ ადგილებსა და რაიონულ ცენტრებში საქ. სსრ კომუნალური მეურნეობის სახალხო კომისარიატის სისტემის წყალსადენებით, კანალიზაციითა და აბანოებით სარგებლობისათვის ახალი ტარიფების შემოღების შესახებ.

აღინიშნოს, რომ საქართველოს სსრ ქალაქებში წყალსადენებითა და კანალიზაციით სარგებლობის ტარიფები სხვადასხვანაირია (მოსახლეობისათვის, საბიუჯეტო დაწესებულებებისათვის, სამეურნეო ორგანიზაციებისათვის, კომუნალური საწარმოებისათვის, და სხვ.), ამასთან ქალაქების უმრავლესობაში მოსახლეობას წყლის, კანალიზაციის საფასურს, აგრეთვე აბანოებით სარგებლობის საფასურს თვითღირებულებაზე ნაკლები რაოდენობით ახდენენ.

იმ მიზნით, რომ ლიკვიდირებულ იქნას ტარიფების მრავალფეროვანება და მოსახლეობის მიერ წყალსადენებით, კანალიზაციითა და აბანოებით სარგებლობის საფასური დაწესდეს არა ნაკლებ თვითღირებულებისა, საქართველოს სსრ სახალხო კომისართა საბჭო აღდგენს:

1. წინადადება მიეცეს მშრომელთა დეპუტატების საქალაქო და რაიონული საბჭოების აღმასრულებელ კომიტეტებს 1941 წლის 1 ივლისიდან დააწესონ მომხმარებელთა ყველა კატეგორიისათვის წყალსადენებითა და კანალიზაციით სარგებლობის ორი ტარიფი:

ა) მოსახლეობისათვის,

ბ) საწარმოებისა და დაწესებულებებისათვის.

2. დაევალოს მშრომელთა დეპუტატების საქალაქო და რაიონული საბჭოების აღმასკომებს საქართველოს სსრ კომუნალური მეურნეობის სახალხო კომისარიატთან შეთანხმებით, დააწესონ მოსახლეობისათვის წყალსადენებითა

და კანალიზაციით სარგებლობის საფასური თვითღირებულების რაოდენობით დაგროვების 10% დამატებით, ხოლო ქ. თბილისში მოსახლეობისათვის წყლით სარგებლობის ტარიფი დაწესდეს ერთ კუბ. მეტრ წყალში 25 კაპ. რაოდენობით, კანალიზაციით სარგებლობის მომჭმედი ტარიფის უცვლელად დატოვებით.

3. ქ. თბილისისა და საქართველოს სსრ სხვა ქალაქებში მდებარე სახელმწიფო, საზოგადოებრივი და კოოპერატიული საწარმოებისა და დაწესებულებებისათვის დაწესდეს წყლითა და კანალიზაციით სარგებლობის ტარიფი იმ რაოდენობით, რომელიც ამაჟამად იმავე ქალაქებში მოქმედებს სახელმწიფო საწარმოებისათვის.

4. დაწესდეს თბილისის, ბათუმისა და სოხუმის კომუნალური აბანოების საერთო განყოფილებებით სარგებლობის ფასი — 1 მანეთი თითოეული კაცის დაბანვა, ხოლო საქართველოს სსრ დანარჩენ ქალაქებში, ქალაქის ტიპის დასახლებულ ადგილებსა და რაიონულ ცენტრებში — 1 მან. და 50 კაპ.

ქალაქებსა, ქალაქის ტიპის დასახლებულ ადგილებში და რაიონულ ცენტრებში კომუნალური აბანოების ნომრებით სარგებლობის ფასი დაწესდეს საშუალოდ 5 მან. საათში.

შენიშვნა. აბანოებით სარგებლობის შეღავათიანი ტარიფები, რაც ცალკეული მოსარგებლეთათვის დაწესებულია სპეციალური დადგენილებით, ძალაში დარჩეს.

5. წყალსადენების, კანალიზაციისა და აბანოების ტარიფების გადიდების შედეგად შემოსული მთელი სახსრები მოხმარდეს ლიმიტგარეშე დანახარჯების წესით ამავე მეურნეობათა გაფართოების გამართვისა და კეთილმოწყობის საქმეს.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს.კ.ს-ოს საქმეთა მმართველის მ. ა. რ. ჭელიძე.

1941 წ. 30 მაისი № 1019.

თბილისი.

გამომცემელი: საქართველოს სსრ სახალხო კომისართა საბჭო

უნდა ჩაბარდეს პირველ რიგში
ბელწერილის ქვეშ.

მისამართისათვის



ფასი 40 კაპ.

ლ. პ. ბერიას სახელობის პოლიგრაფიული კომბინატი „კომუნისტი“. თბილისი, ლენინის ქ. № 28.

შეკვეთა № 1217.

ტირაჟი 1.600.